



**Quæstionum Canonicarum, In Quinque Libros
Decretalium, Tomus ...**

In Librum V. Decretalium, Per Quadraginta, Et Unum Titulos Distributum,
In quo agitur De Judicio criminali, exponendo primùm actiones in eo
judicio instituendas, & suscipiendas, ...

Schlüter, Georg

Augustæ Vindelicorum, 1709

Articulus I. Quid, & quotuplex sit interdictum?

[urn:nbn:de:hbz:466:1-73064](#)

PARS IV.

De interdicto.

Interdictum non minus, quam suspensio, infligitur quandoque ut poena medicinalis, & sic erit censura; quandoque vero solùm in vindictam delicti præteriti, & hac ratione est pura poena: Regula vero dignoscendi, quando fertur, ut pura poena, quando ut censura, est ferè eadem, quam dedimus de suspensione supr. à n. 2050. Quæ interdicta, tanquam poena medicinali communia sunt cum aliis censuris, quæ talibus, petenda erunt ex dictis: nunc ea tantum, quæ ipsi propria sunt.

ARTICULUS I.

Quid, & quotuplex sit interdictum?

Ad 1. qd. quod sit censura Ecclesiastica, Christianum hominem privans divinis officiis, Sacramentorum usu, & sepulturā sacrā, prout hæc ad diuinum cultum, hominemque tendunt; ita P. Stephanus Bauny tr. 9. hic q. 1. ubi not. 1. usum divinorum considerari posse 1. ut est actus ex potestate, quem habet ipsum exercens, & sic eo privat suspensio, non autem interdictum. Hinc suspensio privat usu sed solūm activo, interdictum autem etiam passivo, ut notat Pellizarius in Manual. regul. tr. 7. c. 4. S. 1. deinde considerari posse, ut est quadam communicatio cum fidelibus, & sic eo privat excommunicatione 3. in quantum per communem usum talium rerum cultus DEI promovetur, & sic eo privat interdictum, ut notat Bauny loc. cit. Ex quo vides, quomodo haec tres censuræ in particulari differant, quamvis plures sint differentiae, quæ innovent ex dicendis, tum hic in seq. tum. n. 2300.

2105 Ad 2. qd. interdictum esse triplex; aliud enim est *personale*, quod immediatè afficit personam, ei prohibendo usum divinorum in omni loco; aliud *locale*, quod immediatè afficit locum, & personas mediatis, scilicet ratione loci, in quo ipsis prohibetur celebrare divina; aliud ex utroque *mixtum*, quo indivisibiliter & locus & persona interdicuntur; ita Gaspar Hurtado tract. de interdicto, diffic. 2.

2106 Not. autem, tam *personale*, quam *locale* interdictum, iterum dupliciter dividi, scilicet in *generale*, & *speciale*. Interdictum

Tom. V.

personale generale est, quo interdictum una communitas hominum, quæ constituit unum corpus, ut populus, exercitus, imò & collegium in populo contentum. Hoc afficiuntur omnes personæ talis communitatis, non secundum se, sed quasi membra ejus, & quamdiu sunt membra. Hinc si definiat aliquis esse membrum talis communitatis interdicta, definit etiam esse interdictus, nisi persona culpabilis sit, nam tum etiam afficitur interdicto speciali; sic Hurtado loc. cit. n. 3. Si autem petas, an interdictum generale personale privet personas talis communitatis actionibus cuilibet propriis, vel tantum propriis communitatibus, sicut dum suspenditur tota civitas? respondet Hurtado nullam actionem, quæ privat interdictum, esse actionem propriam communitatibus, quæ tali; omnes enim sunt actiones personarum singularium, hinc affirmandum censet de primis actionibus; Sed dici posset, alias esse actiones, quas exercent communi nomine; alias, quas non communi, sed suo privato; id quod colligitur ex c. *sententia*, 16. de sent. excom. in 6. ibi: cùm divinorum auditio, & Sacramentorum perceptio populo, ut universis, non competant. Interdictum autem *personale speciale* est, quando interdictum una, vel plures personæ secundum se; sed non ut faciunt unam communitatem; Sic P. Bauny cit. q. 1. in fine,

Interdictum *locale generale* est, cùm interdictum locus aliquis complectens sub se alia loca particularia, idque cum aliqua latitudine, ut Regnum, Provincia, civitas, Parochia, sumpta pro districtu toto Parochiali. Interdictum autem *locale speciale* est, quo interdictum locus specialis v.g. hæc Ecclesia, vel haec Ecclesia, scilicet in superpositione distributiva, quæ singulares sunt, ut colligitur ex c. *Cum in partibus*, 17. de verborum significatione. Nam cum in partibus sèpè contigisset, diversa loca interdicto supponi, & dubitaretur, an generale, vel particulare dici debeat? & illi, qui ab Ecclesia Romana decorari privilegio meruerunt, videlicet, ut cùm generale interdictum terra fuerit, liceat eis januis clausis, non pulsatis campanis, exclusis excommunicatis & interdictis, suppressâ voce divina officia celebrare: interdicto particulari se afferant non arctari, *dicentes interdictum generale*, duntaxat cùm regnum, vel saltem provincia tota subjicitur interdicto: ex quo siebat, quod & iustitia sèpe deperiret,

Nnn 2 & Prä-

468 Tract. In Lib. V. Decretal. Quest. XXXIX.

& Prælatorum sententiæ contemnerentur: Innocentius III. dubio satisfactus, rescripsit: cùm in privilegiis de regno, vel provincia nihil expressè dicatur, nomine *terra* non solum regnum, vel provinciam intelligi voluntus, verùm etiam villam & castrum, ut in his locum habeat, quod de generali dicitur interdicto. Præter has divisiones aliae sunt communes; aliud enim est *totale*, quod habet omnes effectus, aliud *speciale*; aliud à *jure*, aliud ab *homine*; aliud per modum censuræ; aliud per modum puræ pœnæ. Hæc autem omnia ex dictis constant.

2108 Questio ulterior est, an posito interdicto locali, sive generali, sive speciali, censeatur etiam positum personale? 2. an locale, posito personali? Ad utrumque r. negativè; excipe ita primo, nisi sit persona, ob cuius culpam positum est interdictum locale, c. si *sententia*, 16. de sent. ex-com. in 6. ubi Bonifacius VIII. sic loquitur: si sententia interdicti proferatur in *Clerum*, non intelligitur (nisi aliud sit expressum in ea) *interdictus populus*, nec etiam è converso. Unde uno interdicto ipsorum, alius licet admittitur ad divina. Cœterum, cùm propter delictum domini, vel rectoris est *civitas interdicta*: cives ejusdem (qui culpabiles non existunt, dummodo & ipsi propter dominum, vel rectorem puniendum in eis non fuerint interdicti) possunt extra ipsam licet interesse divinis. Cùm vero *alicujus terra populus* interdicto nodatur, singulares ex eo personæ, quas interdictas esse constat (ne sententia effectu careat, cùm divinorum audito, & Sacramentorum perceptio populo ut universis non competant) non debent alicubi (casibus expressis à jure duntaxat exceptis) adire divina, vel Ecclesiastica recipere Sacra menta.

2109 Quamvis autem in quest. an interdicto generaliter populo, censeatur etiam eo ipso interdictus locus populi, v. g. Civitas, affirmativam teneat Covarruvias; negativam probabiliter defendit Navatrus c. 27. n. 167. illius enim nulla ratio est, cùm sint interdicta inconnexa. Hinc concedo, Clericos, alias ab interdictis, posse in templo talis turbis facere divina, sed januis clausis, ne scilicet intersint, qui interdicti sunt.

2110 Ne autem, cùm in jure occurrit, aut contingit mentio *interdicti*, exinde nascatur confusio, aut error (cùm interdictum aliter, & aliter acceptum pariat diversos

juris effectus) nor. Interdictum apud Latinos, idem valere, ac maximè prohibatum, sicut interdicere, à quo derivatur, maximè prohibere. Apud Legistas, ff. de interdicto, & Institut. eod. tit. sumitur amplissimum pro solemnī dicto Prætoris aliquid prohibentis, vel præcipientis inter duos, reum nempe & actorem, & est interdictum, quasi inter duos dictum, definitur. que à Gloff, ad c. *Paſtoralis*, de caus. possib. in hunc modum: Erat olim quædam forma ta, & solemnis concessio verborum, quibus Prætor aliquid fieri jubebat, vel prohibebat. Sic acceptum dividitur in tria, scilicet Prohibitorum, quo Prætor vetat aliquid fieri; Reſtitutorum, quo Prætor aliquid restituere jubet; & Exhibitorum, quo agitur ad aliquid exhibendum. Accedit *Fraudatorum*, quo revocantur alienata in fraudem creditorum: Strictè vero accipitur pro solo Prohibitorio: quia propinquius deducitur ab interdicendo, prohibendo.

Hinc etiam olim erant quædam leges, quæ fuere iussa Prætorum, & vocantur *interdicta*, quæ in individuo capiunt denominationem, vel ab authore, vel à materia, in qua versantur. Nam interdicere, quamvis accipiatur pro *deficere*, L. interdit, ff. de cond. & demonstr. tamen propriètate *dennuntiare & prohibere*, ut Institut. de interdict. §. 1. dicitur igitur *interdictum* ab interdicendo, hoc est, interim dicendo. Nam quoties Prætor non in perpetuum, sed ad tempus, donec pleniore judicio de jurepetitorii queratur, aliquid edicit, propriètate est interdictum. Et quidem olim nihil aliud erat, quam quædam formata, & solemnis conceptione verborum, quibus Prætor aliquid fieri jubebat, quod tunc maxime faciebat, cùm de possessione, vel quæ possessione inter aliquos contendebatur, Institut. de interdict. in princ. Differebat olim interdictum ab actione; quia actione erat inducta de jure civili, & generaliter sine ulla solemnitate verborum in singulas personas; at interdictum de jure prætorio; & quod erant homines volentes proponere, tot pro singulis siebant verborum solemnitates & conceptiones. Hodie tamen inter actiones, & interdicta non est disserimen. Institut. eod. tit. §. fin.

Interdictum Salvianum, quod ab Auct. thore nomen accepit, competit Domino fundi adversus colonum in sua domo habitantem, & ejus hæredes, de rebus coloni tacite

tacitè pignoratis pro mercedibus, quas colonus in fundum intulit, L. I. ff. cod. tit. ubi texrus hæc habet: Si colonus ancillam in fundum pignoris nomine induxerit, & eam vendidicerit, quod apud emptorem ex ea natura est, ejus apprehendendi gratia utile interdictum reddi oportet. Pro exemplo de interdictis accipientibus nomen à materia, celeberrimum est interdictum de novi operis nunciatione, quo prohibetur, ne ædificium fiat in aliquo loco, vel ne cæpsum continuetur, L. *Prætor.* ff. cod. tit. Quando locum habeat, & quas habeat partes, latè exponit Molina tom. 3. D. 706. Est interdictum, ne quid fiat in loco sacro fiat: ne quid fiat in loco publico, vel itinere: ne quid fiat in mari, aut flumine publico: Est interdictum, unde vi: quod vi, aut clam: quorum honorum: quorum legatorum: de ripa munienda: de rivis: de sepulchro ædificando: de superficiebus: de tabulis exhibendis: de vi, & vi armata, de aqua quotidiana, & aestiva: de aqua pluviali arcenda: & multa alia quæ dilucide explicat Alexander Scot. in suo dictum. V. *Interdictum.*

²¹¹³ Cœterum apud Canonistas, & Theologos sumitur dupliciter (ut notat Sayrus de cens. lib. 5. c. 1. n. 5.) 1. pro prohibitione Judicis Ecclesiastici, seu juris canonici, ut habetur c. *Minor*, 17. q. 4. c. *Significati*, de offic. Archid. & c. *Cum illorum*, de sent. excom. Et hoc modo non differt hæc acceptio à secunda Legistarum acceptione, nisi quod ibi sermo sit de prohibitione *Prætoris*, hic vero de prohibitione Ecclesiastice, sive per judicem, sive per ius Ecclesiasticum 2. sumitur pro sententia juris, vel Prelati Ecclesiastici prohibentis alicui divina officia, sacramenta, vel sepulturam Ecclesiasticam in poenam delicti, vel contumaciae, sive illius, qui interdicitur, sive alicujus alterius.

²¹¹⁴ Hinc *interdictum* in acceptione canonica, & Theologica, prout accipitur hoc titulo, rectè definitur à Suarez de cens. D. 32. f. 1. n. 4. in hunc modum: est censura Ecclesiastica, prohibens usum quarundam rerum divinarum, ut fidelibus communem, quatenus talis est. Ubi intelligitur, rectè definiri interdictum acceptum in genere, utpote abstractus à loco, & personis, interdicto locali, & personali, item ab usu activo, & passivo: si quidem in particulari, vel utroque, vel altero ex his modis fertur. Particula (ut fidelibus communem) distinguit interdictum à suspen-

sione, quæ privat determinato usu potestatis Ecclesiastice, ideoque in solos Clericos ferri potest. Particula (*quatenus talis est*) distinguit interdictum ab excommunicatione, nam hæc privat quidem usu rei sacræ, non tamen, ut est usus rei sacræ, sed ut est communicatio cum fidelibus. Ponitur (*quarundam rerum divinarum*) quia non semper privat omnibus, sed illis, quæ in jure exprimuntur.

ARTICULUS II.

Quæ persona comprehendantur sub interdicto personali?

Questio est de interdicto generali per sonali? quo posito: eo comprehendi omnes omnino personas talis communis, etiam inculpabiles, habetur ex c. *Si sententia*, 16. de sent. excommunicationis in 6. sed de discrimine, quod hæc veniant sub illo interdicto solùm, ut, & quamdiu sunt membra illius communis: sic enim absque ulla etiam relaxatione, si desinant esse ejus communis, desinunt esse interdicta; culpabiles verò, seu nocentes sunt etiam interdicta specialiter, ubi præterea not. quod sub interdicto generali personali v.g. *totius populi*, veniant etiam absentes localiter, habitantes in suburbis, & ædificiis continentibus, habentes domicilium in eo populo, esto etiam alibi habent; item pueri ratione utentes (& amantes, ac infantes quoad privationem sepulture sacræ) nam sunt vera membra illius communis, seu populi. Sic Hurtado diffic. 4.

Præter hæc nota, nomine *populi interdicti* non venire *Clericos*, aut *Religious*; nec nomine *Cleri interdicti*, venire *populum*; sunt enim distinctæ communitates, patet ex cit. c. *Si sententia*: deinde nomine *universitatis interdicti* venire etiam *Clericos*, & *Religious*, qui sunt ejus membra; 3. nomine *populi interdicti*, non venire illos, qui studiorum, vel negotiorum causâ mortantur etiam diutius in loco illius populi; non enim sunt membra talis communis, 4. nomine *Cleri interdicti* post Trident. Sess. 23. c. 6. de Reform. non venire illos, qui gaudent privilegio fori, esto gaudente privilegio canonis; sic Hurtado loc. cit.

Sed quares 1. an nomine *monasterii* ²¹¹⁷ *Regularium interdicti* veniant etiam Noviti? 2. Religiousi peregrini? 3. an si quis ex